



Inatsisartunut ilaasortaq Isak Johannessen, Naleraq  
Inatsisartut@inatsisartut.gl

## **Qeqertat pillugit § 37 naapertorlugu apeqqutaammut 2025-233-mut akissut**

Asasara Isak Johannessen

Dato: 20-01-2026  
Sagsnr.: 2025 - 27107  
ID. nr.: 79596548

Inatsisartut suleriaasianni § 37 naapertorlugu Qeqertat pillugit Naalakkersuisunut  
apeqquteqaateqarputit. Apeqqutitit uannit akineqartussatut innersuunneqarput.  
Apeqqutitit matuma kinguliani ataasiakkaarlugit allanneqarput, akissummillu  
malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

### **Apeqqut 1: Qaanaami nunaqarfik Qeqertat pilersuiffigineqassava:**

- A. Attaveqaatinik?**
- B. Telefoni / GSM mobil-ikkut attaveqaatit internet?**
- C. KNR Radio / TV**

Akissut: KNR-ip Radiuk­kut TV-kkullu aallakaatitsinissaanut, kiisalu mobiltelefoninut  
internetimullu attaveqaasiinissamut najukkami attaveqaatit (soorlu mobilinut napparutit,  
najukkami aqqusersuutit nassitsinermullu atortut) saniatigut ungasianiit  
attaveqaasersuutitut pilersitsinissaq pisiaqartinneqarpoq.

Inoqarfiit akornanni aammalu nunanut allanut nalunaarasuartaatitigut  
attaveqaqatigiinnermut atortut ingerlatsinerlu *nalunaarasuartaatitigut*  
*attaveqaqatigiinneq nalunaarasuartaatinillu kiffartuussineq pillugu Inatsisartut*  
*inatsisaanni* maleruagassiuunneqarput, aammalu nalunaarasuartaatinik atuisunit  
anigaasalersorneqarlutik. Kisiannili KNR-ip Radiuk­kut TV-kkullu aallakaatitsisarneranut  
Naalakkersuisut aamma Tusass A/S-ip akornannik isumaqatigiissut  
tunngavigineqarpoq, aammalu Nunap Karsianit anigaasalersorneqarluni.

Qeqertat mobiltelefoninik, internetimik kiisalu KNR-ip Radiuk­kut TV-kkullu  
aallakaatitsisarneranik atuiffiusinnaalissappat, siunertamut attaveqaasersuuutit  
pisariaqartut pilersinneqartussaapput ingerlanneqartussaallutillu. Anigaasartuutit  
amerlanerit ungasianiit attaveqaqateqarnermut atortunut, tassalu inoqarfimmut  
attaveqaasiinissamut attaveqaasersuutitut ingerlatsinermullu ator­neqartussaapput.


Tusass A/S naliliivoq, Qeqertamut ungasianiit attaveqaateqarnermut atortunik  
pil­ersitsinissaq 3-4 mio. koruuninik akeqassasoq, tassani isumalluutit  
pisariaqartinneqartut pissarsiarineqarsinnaaneri sillimaffigalugit. Ukiumut  
ingerlatsinermut anigaasartuutissatut naatsorsuutigineqartut 0,5 – 1 mio. koruunit  
missaannut missiliorneqarput.

Tassalu Tusass A/S-ip Qeqertani nalunaarasuartaatitigut attaveqaqatigiinnermik pilersitsinissamut ingerlatsinissamullu aningaasartuutissai amerlangaatsiartussaapput, kiisalu isertitassat killeqarnissaat naatsorsuutigineqartariaqarluni.

Kisiannili nalunaarasuartaatitigut attaveqaqatigiinneq inoqarfinnut tamanut pingaaruteqarpoq. Taamaattumik Qeqertanut nalunaarasuartaatitigut attaveqaasersuinissamut periarfissat misissuiffigineqarnissaat suliniutiginiarpara.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Aqqaluq B. Egede